

IOANNIS PICARDI

TOVTRERIANI

De Prisca Celtopædia,

LIBRI QVINQUE.

Quibus admiranda priscorum Gallorum doctrina & eruditio  
ostenditur, necnon literas prius in Gallia fuisse, quam vel  
in Grecia vel in Italia: simûlque Græcos nendum Latinos  
scientiam à priscis Gallis (quos vel ab ipso Noachi tempo-  
re Græcè philosophatos constat) habuisse,

A D

H V M B E R T U M A P L A T I E R A  
Campania Proregem & Alexia prefectum.

14674



P A R I S I I S.

Ex typographia Matthæi Dauidis, via amygdalina, ad Veritatis insigne.

1556.

Ex priuilegio Regis.

R. - L.

H V M B E R T O A P L A T I E R A

E Q V I T I T O R Q V A T O, C A M P A N I A E

Gallicæ Proregi, & Alexiæ p̄fēcto

Io. Picardus Toutrerianus S. D.

SCITE admodum à Pindaro, ode  
sexta, usurpatam inuenimus hanc  
vetustissimi cuiusdam poëtæ sen-  
tentiam, Αεχομένες δὲ τρέψασπι γρά-  
ζειν τηλαυγές. Quo quidem dicto,  
Humberte p̄fētantissime, alioqui  
subobscurō monemur iis fauendū esse, qui aliquid  
egregij facinoris aggrediuntur, simul ut ipsis adda-  
tur animus, & alij ad æmulationem prouocentur.  
Sed hodie tantū abest ut quod suadet Pindarus  
imitemur plerique, ut potius dedita opera videa-  
mur aduersari, moleste ferentes, ac s̄epius obstre-  
pentes si quis quid eximium tentet. Eò enim reci-  
disse conspicimus hominum quorundam ad ob-  
treccationes & sycophātias conflatorum maligni-  
tatem atque impudentiā, vt quum incultissimum  
habeant ingenium, nullisque bonarum literarum  
adminiculis suffultum, non modò nihil quo se ali-  
quādo vixisse testētur exhibere possint, imò (quod  
iniquissimum est) si quid ab aliis laude dignū pro-  
cudi animaduertant, nullas omnino vias (nam id  
ego re ipsa comperi) nullas occasiones sibi reliquas  
facient, quō calumniam inferant, eorumque no-  
men petulanti lingua passim cōpitorum impetāt.

ā. ii.



IOANNIS PICARDI TOV-  
TRERIANI DE PRISCA CEL-  
*topædia liber primus.*

**S**criptvro de prisca Gallicæ gē-  
tis, cuius vel ipso literarum nomine  
præstantior laus est, quām vt vñquam  
intercidere debeat, eruditionis excellē-  
tia & claritate, tot ac tantas, affluēte  
vndique luculentissima virtutum pro-  
pè omnium amplitudine, sese mihi offerre video Iliadas, vt  
quidnam in tam vasta rerum præstantissimaru sylua pri-  
mūm persequar, aut quo styli genere rem tantā, tamque in-  
exhausti laboris opus aggrediar, omnino nesciā, cōspiciām-  
que haud minūs arduū esse huiuscē argumēti principiū ad-  
inuenire, quām exitū: cūm præsertim, si verbis rei dignitatē  
consequi velim, nihil nō magnum & præclaru nihil nō dif-  
ficile & arduu, nihil non sublime atque suspiciendu occur-  
rat. Neque enim vel defumo, vel de asini umbra, quod  
aiunt, nobis hic suscipiendus est sermo: non incondita de-  
liramenta, non seniles fabellas, non Alcinoi apologos in-  
ani atque otiosa verborum structura sumus allaturi, sed  
rem profecto apprimē nobilem, insignem, illustrem: que ef-  
fusissimas sui cultoribus laudes cōfert, & cuius gratia ho-  
mines ad parentum, ac deūm propè vicem honoris immo-  
dici titulo prosequimur. Ea autem, ne quem nimis hoc loco

a. i.